

քան զնախկին չափն, և չշաւելու ինչ 'ի նա գէթ մասնա-
նաչափ » : Եւ յետ այնորիկ գրեալ հարցին ցԲդեշխն Ե-
րուսաղէմի՝ թէ արդարեւ հնացեալ իցէ գմբեթ տաճա-
րին, և թէ պէտս ունի՞ն նորոգութեան այլ տեղիք եւ
բնակարանք : Իսկ Բդեշխն եւ Դատաւորն բազմութեամբ
այլազգեաց՝ ըստ հրամանին արարին քննութիւն յայնո-
սիկ տեղիս՝ զոր յիշեցաք եւ յայտ արարին 'ի Դուռն :
Եւ ըստ այնմ գրեցաւ հրովարտակ Կայսերական (Սաթթի
Շէրիֆ) և 'ի ձեռն Ոստիկանի և Վերատեսչի առաքեցաւ
յերուսաղէմ, ՎՄՎ (1719) : Ձայս իմացեալ Գրիգորի եւ
Յովհաննու՝ դիմեցին առ Դեռպանն Գաղղիոյ, եւ եղին 'ի
միջի պայման իմն այսպիսի . — 'ի նորոգել Լատինաց զմեծ
եւ զփոքր գմբեթն տաճարին՝ եւ զայլ տեղիս իւրեանց,
և թէ հարկադրեսցին քակել զտեղիս Հայոց, եւ կամ 'ի
քակելն պատահմամբ փլանիցի կամ անկցի՝ եւ կամ վնաս
ինչ պատահեսցի տեղեացն Հայոց՝ շինեսցեն զայնս Լա-
տինք ըստ առաջին կերպի, և զծախսն մի՝ պահանջեսցեն
'ի Հայոց, եւ մի՝ մխեսցեն զձեռս 'ի սեպհական բաժինս
նոցա, և ոչ 'ի կանթեղս, յաշտանակս և յայլ իրս, և մի՝
պատճառեսցեն նեղութիւնս ինչ միաբանաց որք բնակին
անդ՝ նաեւ ուխտաւորաց . զայս պայման հաճութեամբ
ընկալան երկոքին կողմանքն, և հաստատեսցին 'ի Դատա-
րանին Ղալաթիոյ :

Այլ վասն նորոգութեան բաժնին Հայոց խորհէին Եր-
կոքեան 'ի միասին . զի չէր հնար թողուլ և լքանել զայն
այնպէս սակս վտանգի հակառակութեանց եւ մեծամեծ
վնասուց, եւ թերեւս յափշտակութեան իրաւանց : Եւ 'ի
ձեռնարկել նոցա յայն դործ՝ պէտս ունէին բազում դրա-
մոց, և ինքեանք կային 'ի չքաւորութեան եւ ընկղմեալ
'ի հոգս առ 'ի վճարելոյ զպարտս Երուսաղէմի : Սակայն
ապաւինեալ 'ի շնորհս Տեառն, մատուցին եւ ինքեանք
գիր աղաչանաց առ Արքայն ընդ մեծամեծացն Հայոց եւ
բազմութեամբ եկեղեցականաց, եւ խնդրեցին հրաման
նորոգել զբաժինս Հայոց, ըստ նմանութեան երկուց ազ-
գաց : Եւ ընկալան զայն բազում նեղութեամբ և առաքե-
ցին զհրովարտակն առ Հաննա վարդապետ Աթոռակալ .
գրեցին և առանձին գիր յորդորական, եւ քաջալերեցին